



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DLIII. ad annum DLXXVII.

Parisiis, 1644

XXXIX. De his qui ad diaconiatum eliguntur.

urn:nbn:de:hbz:466:1-15324

XXXVI.

t. qu. 7. Si quis episcopus. Si quis episcopus , siue alicuius episcopi presbyter aut diaconus in alicuius hæresis opinionem offendit , & ob hanc causam fuerit excommunicatus ; nullus episcopus eum in communionem recipiat , nisi prius in communi Concilio , porrecto fidei suæ libello , satisfaciat omnibus , & ita liberam teneat suam purgationem . Hoc idem & de fidelibus laicis sit decretum , si in * aliquam hæresis opinionem fuerint nominati .

XXXVII.

ii. qu. 3. Si quis episcopus in ex Can. 5. Cœc. Antioch. Si quis episcopus in Concilio excommunicatus fuerit , siue presbyter , siue * diaconus , facere oblationem , vel matutinum , vel vespertinum sacrificium , quasi in officio suo agere sicut prius non liceat ei , nec in alio Concilio spem reconciliationis habere , nec ultra * recolligi ; sed etiam eos qui ei comunicauerint , omnes ab ecclesia respui , maxime eos qui sciebant eum esse * deletum . Si autem permanferit turbans & concitans ecclesiam , per * fo- rasticam potestatem oportet eum sicut seditionarium ab omni plebe expelli .

XXXVIII.

Presbyterum ad secundas nuptias conuiuam fieri non oportet , propterea quod hi qui ad secundas nuptias veniunt , pœnitentiam postulant . Quomodo potest presbyter esse , qui propter conuiuum interest tali coniugio ?

XXXIX.

Si quis ad ministerium diaconatus eligitur , si contestatus fuerit pro accipiendo matrimonio ,

& dixerit non posse in castitate permanere, hic non ordinetur. **Quod si** in ordinatione tacuerit, & ordinatus fuerit, & postea matrimonium desiderauerit, alienus sit a ministerio, & vacet a clero.

XL.

Non licet diaconum ante presbyterum sedere, nisi cum iussione presbyteri.

XLI.

Non licet quemlibet ministeria tangere, nisi subdiacono aut acolyto in secretario tangere vasa dominica.

XLII.

Non licet mulieres in sacrario ingredi.

XLIII.

Lector si viduam alterius vxorem acceperit, in lectoratu permaneat: aut si forte necessitas sit, subdiaconus fiat, nihil autem supra: similiter & si³ bigamus fuerit. **XLIV.**

Si subdiaconus secundam duxerit vxorem, inter lectors vel ostiarios habeatur; ita ut Apostolum non legat.

XLV.

Non licet in pulpito psallere, aut legere, nisi qui ab episcopo lector est ordinatus.

XLVI.

^{* al. est tributo} Si quis obligatus^{*} tributo seruili, vel aliqua conditione, vel patrocinio cuiuslibet domus, non est ordinandus clericus, nisi^{*} probandæ vitæ fuerit, & patroni^{*} concessus accesserit.

XLVII.

Si quis seruum alienum causa religionis doceat

^{17. q. 4. Si quis seruu}

Rrrr ij